

**ՀՀ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԸ ԴԻՄԵԼ Է ՀՀ ՎԱՐՉԱՊԵՏԻՆ՝ ՀՀ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ ԱՆԳՈՐԾՈՒԹՅԱՆ ԿԱՊԱԿՑՈՒԹՅԱՄԲ**

11.03.2020 13:01



Հաշվի առնելով այն հանգամանքը, որ ՀՀ փաստաբանների պալատը հանրային պաշտպանի գրասենյակի միջոցով կազմակերպում է քաղաքացիներին անվճար իրավաբանական օգնության տրամադրում, ինչով պայմանավորված յուրաքանչյուր օր ընդունում է բազմաթիվ քաղաքացիների՝ ՀՀ փաստաբանների պալատը նախագահը կորոնավիրուսի հետ կապված քաղաքացիների և աշխատակազմի առողջության պահպանմանն ուղղված կանխարգելիչ միջոցառումներ իրականացնելու նպատակով դեռևս 28.02.2020 թվականից ստեղծել է պատասխանատու ժամանակավոր խումբ և ՀՀ փաստաբանների պալատի վարչական շենքում և մարզային գրասենյակներում աշխատակիցների համար ապահովվել է համապատասխան ախտահանիչ և կանխարգելիչ միջոցներ:

Միաժամանակ, ՀՀ փաստաբանների պալատի նախագահը 2020 թվականի փետրվարի 28-ին, դիմել է ՀՀ առողջապահության նախարար Արսեն Թորոսյանին, խնդրելով՝

- տրամադրել կորոնավիրուսից պաշտպանող առնվազն 200 դիմակ.
- **իրազեկել, թե ի՞նչ պաշտպանիչ միջոցառումներ է անհրաժեշտ իրականացնել վիրուսով վարակման վտանգը նվազեցնելու համար:**

Առ այսօր՝ նախարարին դիմելուց 11 օր անց, ՀՀ առողջապահության նախարարությունից փաստաբանների պալատը ստացել է պատասխան միայն բժշկական դիմակներ տրամադրելու անհնարինության վերաբերյալ:

Առողջապահության նախարարությունը **չի պատասխանել այն հարցին, թե ի՞նչ պաշտպանիչ միջոցառումներ է անհրաժեշտ իրականացնել վիրուսով վարակման վտանգը նվազեցնելու համար:**


ՀՀ փաստաբանների պալատն առողջապահության նախարարությանը գրությամբ դիմելով՝ ակնկալում էր, որ նախարարությունն օպերատիվ կարգով գրությամբ կամ առնվազն մասնագետի միջոցով խորհուրդներ կտա, թե ի՞նչ միջոցառումներ պետք է իրականացնել քաղաքացիների մեծ հոսք ունեցող կազմակերպությունում՝ վտանգը նվազեցնելու համար:

Նշվածի հաշվառմամբ ՀՀ փաստաբանների պալատի նախագահը 11.03.2020թ. դիմել է ՀՀ վարչապետին կորոնավիրուսի հետ կապված քաղաքացիների մեծ հոսք ունեցող կազմակերպություններում կամ մարմիններում իրազեկման աշխատանքներ իրականացնելու վերաբերյալ:


**Բեռնել ՀՀ փաստաբանների պալատի նախագահի 11.03.2020թ. գրությունը.**

**Առաջարկվող նորություններ**


--	--	--



**18.03.2020** ՓԱՍՏԱԲԱՆՆԵՐԻ ՊԱԼԱՏԸ ԶԵՌՆԱՐԿԵԼ Է ԿՈՐՈՆԱՎԻՐՈՒՄԻ ՏԱՐԱԾՈՒՄԸ ԿԱՆԽԱՐԳԵԼՈՂ ՄԻՋՈՑԱՌՈՒՄՆԵՐ (ԼՈՒՍԱՆԿԱՐՆԵՐ)



**24.03.2020** ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԸ ԴԻՄԵԼ Է ՊԱՐԵՏԻՆ



**01.04.2020** ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԸ ԴԻՄԵԼ Է ՊԱՐԵՏԻՆ՝ ՓԱՍՏԱԲԱՆԱԿԱՆ ԳՈՐԾՈՒՆԵՈՒԹՅԱՆ ՍԱՀՄԱՆԱՓԱԿՄԱՆ ՀԱՐՑՈՎ ՊԱՐՁԱԲԱՆՈՒՄ ՍՏԱՆԱԼՈՒ ՆՊԱՏԱԿՈՎ



**06.10.2020** ՍԱՀՄԱՆՎԵԼ ԵՆ ԱՆԴԱՄԱՎԾԱՐ ՎՃԱՐԵԼՈՒ ԵՎ ՎԵՐԱՊԱՏՐԱՍՏՄԱՆ ԴԱՍԸՆԹԱՑՆԵՐԻՆ ՄԱՍՆԱԿՑԵԼՈՒ ՊԱՐՏԱԿԱՆՈՒԹՅՈՒՆՆԵՐԻ ՀԵՏ ԿԱՊՎԱԾ ԱՐՏՈՆՈՒԹՅՈՒՆՆԵՐ

Վերադառնալ \$(window).load(function(){ if(typeof \$(".fb\_comments\_count").html() != "undefined" && parseInt(\$(".fb\_comments\_count").html()) != 0){ updateCommentsCount(window.location.href); } }